



Ingibjörg Snorrad. Hagalín
Hafráholti 8
400 Ísafjörður

VELFERÐARRÁÐUNEYTIÐ

Hafnarhúsinu við Tryggvagötu 150 Reykjavík
sími: 545 8100 bréfasími: 551 9165
postur@vel.is velferðarraduneyti.is

Reykjavík 4. júlí 2011
Tilv.: VEL11040123/07.10.14

Efni: Svar við fyrirspurn

Sæl Ingibjörg

Ráðuneytið vísar til bréfs þíns til ráðherra dags 5. apríl sl um möguleika á því að fá lyfið Tysabri (natalizumab) gefið á sjúkrahúsinu á Ísafirði. Í framhaldi af bréfi þínu skrifaði ráðuneytið Landspítala og óskaði skýringa og var bréf þitt sent með fyrirspurninni.

Bréf barst Landspítala dags 8. júní en vegna sumarleyfa hefur dregist að svara þér og er beðist velvirðingar á því. Svar Landspítala fylgir í ljósríti.

Ráðuneytið væntir þess að bréf Landspítalans svari spurningum þínum.

Fyrir hönd ráðherra


Sveinn Magnússon


Ingiríður Hanna Þorkelsdóttir

Fylgiskj.: Bréf Landspítala dags 8. júní 2011

Ljósrít: Þorsteinn Jóhannesson yfirlæknir, Ísafirði

VELFERÐARRÁÐUNEYTI	
Málafl.	07.10.14
09. JÚNÍ 2011	
Abm.	(SM) + H0
Málsnr. VEC	11040122

Reykjavík 8. júní 2011

Sveinn Magnússon læknir
Velferðarráðuneytinu
Hafnarhúsinu við Tryggvagötu
150 Reykjavík

Efni: gjöf natalizumab (Tysabri) utan LSH og FSA.

Þetta bréf er svar við fyrirspurn ykkar um möguleika á að gefa natalizumab vegna MS utan LSH.

Natalizumab-meðferð við MS sjúkdómnum hefur verið beitt á Íslandi frá því í janúar 2008. Um 80 manns fá lyfið nú og um 10 til viðbótar hafa hætt á meðferðinni af ýmsum orsökum.


Natalizumab er gefið í æð með 4 vikna millibili, og er ástand sjúklings metið fyrir hverja gjöf. Til að byrja með var meðferðin bundin við taugalækningadeild LSH, en síðan hefur lyfið einnig verið gefið á FSA, undir umsjón Gunnars Friðrikssonar taugalæknis.

Meðferð með natalizumab getur valdið hættulegri heilabólgu sem kallast PML (progressive multifocal leukoencephalopathy), og orsakast af JC veiru. Á heimsvísu hefur þegar verið lýst meira en 100 tilfellum í tengslum við natalizumab gjöf og dánartíðni verið um 20%, en flestir hinna mikið fatlaðir á eftir. Þessi aukaverkun hefur þegar greinst hjá einum sjúklingi hér á landi, sem lést af völdum heilabólgunnar.

Einkenni PML geta verið mjög ógreinileg, einkum í byrjun, og greining því erfið. Hættan á PML krefst reglulegs eftirlits með þeim MS sjúklingum sem eru á natalizumab-meðferð. Þekking á einkennum MS, PML og annarra heilasjúkdóma er nauðsynleg og því tel ég að þetta eftirlit eigi að vera í höndum taugalækna.

Ég get því ekki mælt með því að natalizumab sé gefið á öðrum sjúkrahúsum á Íslandi en þar sem taugalæknar eru starfandi.

Með kveðju


Elías Olafsson yfirlæknir
taugalækningadeild LSH

Afrit: Elín Ísleifsdóttir